



Libor Novacek rođen je u Pragu. 1998. godine dodijeljena mu je puna stipendija za studij na Guildhall School of Music & Drama in London u klasi renomirane profesorice Joan Havill. Učestvovao je na seminarima istaknutih pijanista i profesora: Lazar Berman, Murray Perahia, John Perry, Jean Efflam Bavouzet, Dmitri Bashkirov, Dominique Merlet. Za vrijeme studija u Londonu osvojio je mnoge nacionalne i internacionalne nagrade na takmičenjima i dobitnik je nekoliko velikih stipendija.

Međunarodno priznat po svojim interpretacijama Liszta, Brahmsa i Janačeka, kaže se da izvedba Libora Novačka ima „izuzetan pjesnički polet i suštinu“, a za njegove snimke (Landor Records, Velika Britanija) da su njima „postavljene nove referentne vrijednosti“, te da nude „upečatljivo lijepe i narativne izvedbe“. Do sada su četiri CD-a dobila izvanredne

kritike u časopisima klasične muzike: Lisztove *Godine hodočašća – Italija* i *Mefisto valcer*, bile su urednikov izbor u *Magazinu Gramophone*, te su nagrađena Počasnom diplomom Lisztovog društva iz Budimpešte. Njegove snimke Brahmsa označile su ga kao „umjetnika vizije i fenomenalne kontrole zvuka, koji nudi očitavanja osjetljivosti zračenja“. Bile su hvaljene u časopisu *Guardian*, *Gramophone* i *International Record Review*, te su u augustu 2008. godine proglašene „Instrumentalnim izborom“ u *Magazinu BBC*.

Najnoviji CD sa kompozicijama Liszta (*Godine hodočašća – Švicarska* i *Utjehe*), dobio je najveće pohvale kritike, uključujući 5 zvjezdica u *Guardianu*, *International Record Review*, *Gramophone* i *Pianonews*.

Libor je tražen kao solista i kamerni muzičar, te je osnivač i član Praškog klavirskog trija. Također, održava majstorske kurseve i predavačke recitale. Njegovi nastupi odveli su ga na velike međunarodne koncertne pozornice (Barbican Centar, Kraljevska festivalska dvorana, Wigmore Hall, Cadogan Hall u Londonu, Rudolfinum u Pragu, Hamburger Musikhalle, Teatro Colón u Buenos Airesu, Kennedy Center Washington DC) te na turneje i festivale širom SAD-a, Argentine, Brazila, Južne Afrike, Indije, Španije, Njemačke, Italije, Francuske, Češke Republike i drugih.

Llibor Novacek je trenutno gostujući profesor klavira na Univerzitetu za muziku i umjetnost u Grazu te redovni profesor na Konzervatoriju u Pragu. Web stranica profesora Libora Novaceka: <http://www.libornovacek.com/>